



Yebo le batswadi ba gagwe ba be ba dula sethokgweng.

Gona tikologong yeo, go be go dula lekgema la go bitšwa
Zim-zim.

Zim-zim o be a tumile ka go ja bana.



Tatago Yebo, Sikwebu e be e le motsomi. Ge a boa gae, o be a bitša a re, "Yebo! Yebo! Etl a o ntlhakanetše ngwanaka."

Ke moka Yebo o tla re go mmagwe, "Tate o fihlile, o a mpitša. Ke swanetše go yo mo hlakanetša."

Zim-zim o be a di lebeletše tše ka moka.



Zim-zim o ile a leka go ekiša Sikwebu, “Yebo! Yebo! Etle o ntlhakanetše ngwanaka.”

O ile a lemoga gore lentšu la gagwe le be le sa swane le la Sikwebu.

“Na nka fetoša bjang lentšu la ka?” a ipotšiša.



Zim-zim a ya go kgopela thušo go ramahlale.

“Na nka fetoša bjang lentšu la ka gore le swane le la motho?” a botšiša.


“Fiša selepe ka mollo go fihlela se eba se se khubedu gomme o se metše ka moka ga sona,” ramahlale a mo eletša bjalo.



Zim-zim a ya gae gomme a metša selepe sa go fiša.

Ke moka a bitša, "Yebo! Yebo! Etle o ntlhakanetše ngwanaka."

Aowa! Lentšu la gagwe le be le sa swane le la Sikwebu. Le be le na le makgwakgwa.



Zim-zim o be a nyamile gomme a boela go ramahlale.

“Na nka dira eng gore ke be le lentšu le le sesane la motho?”
a botšiša.

“Bjale o swanelwa ke go fiša selepe bošego ka moka gomme
o se metše ka moka ga sona mesong,” ramahlale a araba.



Ka morago ga go dira seo a boditšwego, Zim-zim a ya a bitša, "Yebo! Yebo! Etna o ntlhakanetše ngwanaka."

Lentšu la gagwe le be le swana gabotse le la Sikwebu. Yebo a kitimela ka ntle.

Efela e be e se tatagwe.



Yebo o lemogile phošo ya gagwe morago ga nako!

O ile a leka go kitimela morago efela Zim-zim a mo swara gabonolo.


A kuka Yebo go swana le legong gomme a ya le yena kua sethokgweng.



Go se go ye kae, Sikwebu a boa gae gomme a bitša, “Yebo! Yebo! Etle o ntlhakanetše ngwanaka.”

Efela Yebo a se tšwelele. Mmagwe a mo araba a re, “O šetše o mmiditše.”

Ba ile ba lemoga gore ngwana wa bona o tšerwe ke Zim-zim.



Sikwebu o ile a tšea molamo wa gagwe wa go tsoma gomme a tsenā sethokgweng go yo nyaka morwa wa gagwe.

Ge a sa le kgojana, a bona Zim-zim a ikotlolla, a robotše lebopong la noka. Go be go na le mokotla wo mogolo kgauswi le yena.



Sikwebu a khukhuretša Zim-zim. Ge a le kgauswi, a hwidinya molamo wo motelele a betha Zim-zim.

Zim-zim a fofa go tšwa moo a bego a robetše, a gakanegile gomme a tšhaba.

Sikwebu a bofolla mokotla gomme a lokolla morwa wa gagwe.



Sikwebu o ile a gokarela morwa wa gagwe, a thabetše go mo hwetša a sa phela. Yebo le yena o be a thabetše go bona tatagwe.

Ba ile ba lebala ka Zim-zim gomme ba boela gae.